

COMMUNICAZIUN A LAS MEDIAS **pro infirmis**

In project da Pro Infirmis GR

Pro Infirmis Grischun lantscha ina concorrenza da videos da musica

La proxima surdada dal Cristal da Pro Infirmis ha lieu ils 29 da november 2017 en l'auditori da la BCG a Cuirà. Quest onn lantscha Pro Infirmis ensemen cun musicistas e musicists dal Grischun la concorrenza publica da videos da musica www.musik-unterscheidet-nicht.ch. Ina giuria ed il public tschernan ils victurs. Ultra da la reconuschientscha dal public spetgan premis attractivs.

Ina vusch per mintgin – quai è la tenuta da la nova campagna da Pro Infirmis Grischun. La populaziun grischuna vegn envidada a producir agens videos da musica simpels davart il tema "Nus n'ans laschain betg impedir". L'idea da la campagna è che tuts pon sa participar. Enfin la fin d'avust duain vegnir inoltrads videos spontans fatgs cun telefonins u fotocabs che mussan persunas cun e senza impediments. Pro Infirmis dat uschia impuls per producziuns comunablas. Ils videos vegnan mess en l'internet, participeschan ad ina concorrenza e survegnan l'attenziun da la publicitad. Il process dal svilup, da la collavuraziun e da la scuntrada na duai betg esser main impurtant ch'il resultat sez.

Videos per telefonin u fotocab

Tgi che na vul betg far ils videos cun il telefonin, survegn agid da la staziun da producziun da videos www.photocab.ch e sustegn da la chasa da musica www.bluewonder.ch a Cuirà. Musicistas e musicists engaschads dal Grischun han mussà co ch'i funcziuna. Ils emprims videos cun la participaziun da Hampa Rest, Guya (Jörg Guyan) u Nyna (Nyna Dubois) èn gia disponibels sin la pagina-web www.musik-unterscheidet-nicht.ch. Il 1. da settember 2017 cumenza il voting dal public cun tut ils videos.


Surdada dal premi en l'auditori da la BCG

Ina giuria cun personalitads da la politica, l'economia e la cultura tscherna dals diesch finalists trais videos victurs. Bunas schanzas da gudagnar han ils videos da musica ch'expriman il meglier il patratg da l'integrasiun da persunas cun impediments. La surdada uffiziala dal Cristal ha lieu ils 29 da november 2017 en l'auditori da la BCG a Cuirà. Ultra d'ina preschentaziun attractiva per il public spetgan ils victurs il Cristal da Pro Infirmis 2017 ed in premi spezial.

La campagna www.musik-unterscheidet-nicht.ch è in project chantunal per in bun intent cun in vast sustegn da partenaris regionals renumads. Per che la populaziun possa vegnir sensibilisada è la campagna dependenta dal sustegn medial.

Cuirà, ils 27 da mars 2017

Partenaris principals



Ulteriurs sponsurs

